

**761/2024 EBAZPENA, IRAILAREN 10EKOA, OSAKIDETZAKO GIZA BALIABIDEEN ZUZENDARIARENA, ZEINAREN BIDEZ DEIALDIA EGITEN BAITA ARLO KORPORATIBOKO TEKNIKARI ARDURADUNA – EKONOMIAKO GOI MAILAKO TEKNIKARI SEI LANPOSTU ALDI BATERAKO BARNE-SUSTAPENAREN ETA ZERBITZU-EGINKIZUNEN BIDEZ BETETZEKO, OSAKIDETZA-EUSKAL OSASUN ZERBITZUKO ZUZENDARITZA NAGUSIKO EKONOMIAKO ETA FINANTZAKO ZUZENDARITZAN, FINANTZAKO, AURREKONTUETAKO ETA EROSKETETAKO ZUZENDARIORDETZAKO EROSKETA ZERBITZUAN.**

**LANPOSTUAK:** ARLO KORPORATIBOKO TEKNIKARI ARDURADUNA - EKONOMIAKO GOI-MAILAKO TEKNIKARIA.

**DESTINOAK:**SEI LANPOSTU ZUZENDARITZA NAGUSIKO EKONOMIAKO ETA FINANTZAKO ZUZENDARITZAKO EROSKETA ZERBITZUAN.

**LANALDIA:** Zatitua (Vitoria-Gasteiz).

**HIZKUNTZA-ESKAKIZUNA:**Lanpostu guztiek 3. HE dute, derrigortasun-data honekin: 2024/05/01.

**BALDINTZAK:**(Agiri bidez egiaztatu beharko dira, salbu eta CV aplikazioan badaude).

Aldi baterako barne-sustapenaren eskatzaileentzat:

- Osakidetza-Euskal osasun zerbitzuko zerbitzu-erakundeei atxikitako karrerako funtzionarioa, estatutupeko langile finkoa edo langile lan-kontratudun finkoa izatea.
- Zerbitzu aktiboan egotea eta lortu nahi den lanpostuaren titulazio-maila berekoa edo baxuagokoa den beste kategoria batekoa izatea.
- EKONOMIAKO GOI-MAILAKO TEKNIKARIA kategorian ez izatea karrerako funtzionario, estatutupeko langile finko edo langile lan-kontratudun finkoko izendapenik, izendapen edo kontratu horrekiko daukan egoera administratiboa edozein izanda ere.
- Zuzendaritza Nagusiari langile finko gisa atxikita egotea, Zuzendaritza Nagusiko langileen barne-sustapenaren kasuan.
- Zuzendaritza Nagusia ez den beste zerbitzu-erakunde bati atxikita egotea langile finko bezala, zerbitzu-erakundeetako langileen arteko barne-sustapenaren kasuan.
- Kategoria bereko lanpostu batean aldi baterako barne-sustapenean egonez gero, egoera horretan urtebete baino gehiago egotea, etenik gabe.
- Osakidetza-Euskal osasun zerbitzua Ente Publikoko lanpostu funtzionalak arautzen dituen uztailaren 19ko 186/2005 Dekretuan ezarritako titulazioa izatea eta iragarritako azken EPEan kategoria honen oinarrietan ezarritako gainerako titulazio-eskakizunak betetzea.

Aipaturiko baldintzak eskabideak aurkezteko epearen azken egunean bete behar izan dira.

Zerbitzu-eginkizunen eskatzaileentzat:

- Osakidetza-Euskal osasun zerbitzuko zerbitzu-erakundeei atxikitako karrerako funtzionarioa, estatutupeko langile finkoa edo langile lan-kontratudun finkoa izatea edo Osasun Sistema Nazionaleko gainerako osasun-zerbitzuetako karrerako funtzionarioa edo estatutupeko langile finkoa izatea EKONOMIAKO GOI-MAILAKO TEKNIKARIA kategorian.
- Zerbitzu aktiboan izatea, eta lanpostuak betetzeko eskaera egin izatea norberak plaza jabetzan duen edo zerbitzu aktibora behin-behinean itzultzeagatik atxikita dagoen zerbitzu-erakundean ez den zerbitzu-erakunde batean.

Aipaturiko baldintzak eskabideak aurkezteko epearen azken egunean bete behar izan dira.

**MEREZIMENDUEN BAREMOA** (agiri bidez egiaztatu beharko dira, salbu eta CV aplikazioan badaude):

Aldi baterako barne-sustapenaren eskatzaileentzat:

- EPEko oposizio-fasea (gehienez, 100 puntu).
- Lan-esperientzia (gehienez, 80 puntu).

Eskabideak aurkezteko epea zabalitzen den arte izangaiei aitortu zaien zerbitzaldia hartuko da kontuan.

Zerbitzu-eginkizunen eskatzaileentzat:

- Lan-esperientzia, kategoria honen azken lekualdatze-lehiaketaren oinarrien arabera (gehienez, 50 puntu).

Eskabideak aurkezteko epea zabalitzen den arte izangaiei aitortu zaien zerbitzaldia hartuko da kontuan.

## **EUSKARAREN EZAGUTZA**

Euskararen erabilera Osakidetza-Euskal Osasun Zerbituzan normalizatzeko 67/2003 Dekretuarne 24. artikuluan ezarritakoarekin bat etorriz, derrigortasun-data iraungita duten destinoetan, euskarako ezagutzak izatea deialdian parte hartzeko baldintza izango da, eta ez da merezimenduen bidez baloratuko. Derrigortasun-datarik gabeko edo derrigortasun-data iraungita ez duten destinoen kasuan, euskararen ezagutzaren balorazioari dagokion puntuazioa % 5 izango da 1. HE egiaztatuz gero, eta % 10 2. HE egiaztatuz gero (lor daitekeen gehieneko puntuazioaren gainean).

## **ESKABIDEAK AURKEZTEA:**

Interesdunek Osakidetzako Zuzendaritza Nagusiaren Giza Baliabideen Zuzendaritzara bidali behar dute eskabidea (Araba kalea 45, 01006 Vitoria-Gasteiz), beren datu pertsonal guztiekin, curriculum vitae dokumentatuarekin (aplikazio informatikoan baliozkotuta daukatenez izan ezik) eta eskatutako ezagutza espezifikoa egiaztatzeko egokitzat jotzen duten dokumentazioarekin batera.

Interesdunek aurkeztutako eskabidean, lortu nahi diren plaza guztiak adierazi beharko dira, baita zein ordenatan lortu nahi den ere.

Eskabideak aurkezteko epea 10 egun baliodunekoa izango da, deialdia webgunean argitaratu eta hurrengo egunetik aurrera.

## LEHENTASUN-HURRENKERA

Lanpostua betetzeko lehentasun-hurrenkera honako hau izango da:

- 1.–Aldi baterako barne-sustapena Zuzendaritza Nagusian. Sistema hori erabilia ezin izango balitz lanpostua bete, hurrengo paragrafoan adierazten dena erabiliko litzateke.
- 2.–Zerbitzu-eginkizunak. Sistema hori erabilia ezin izango balitz lanpostua bete, hurrengo paragrafoan adierazten dena erabiliko litzateke.
- 3.–Zerbitzu-erakundeen arteko aldi baterako barne-sustapena.

## BALORAZIO BATZORDEA:

Balorazio-batzorde bat eratuko da, Emakumeen eta Gizonen berdintasunerako eta Emakumeen aurkako Indarkeria Matxistarik gabeko Bizitzeko Legearen testu bategina onartzen duen martxoaren 16ko 1/2023 Legegintzako Dekretuaren 21. artikuluan xedatutakoaren arabera. Hala, Giza Baliabideen Hautaketako eta Horniketako zuzendariordea edo haren ordezkaria izango da batzordeburu, eta honako hauek osatuko dute balorazio-batzordea: Finantzako, Aurrekontuetako eta Erosketetako zuzendariordea; Finantzako, Aurrekontuetako eta Erosketetako zerbitziburua eta Teknikari Jurudiko bat (idazkari gisa jardungo du).


## HAUTAKETA-PROZEDURA:

Interesdunek epearen barruan eta behar bezala aurkeztutako dokumentazioa baloratuko du Balorazio Batzordeak. Aurrekoa ikusita, proposamena egingo da dagokion izendapena formalizatzeko. Balorazio Batzordeak lanpostua bete gabe utzi ahal izango du, izangaiek eskatutako eskakizunak betetzen ez badituzte.

## EBAZPEN HONEN AURKAKO ERREKURTSOAK:

Ebazpen honen aurka gora jotzeko errekurtsua ezar dakioko Osakidetza zuzendari nagusiari, hilabeteko epean, argitaratu eta hurrengo egunetik aurrera.

Vitoria-Gasteiz, 2024ko urriaren 10a.



Josune Retegi Ormazabal  
GIZA BALIABIDEEN ZUZENDARIA  
DIRECTORA DE RECURSOS HUMANOS

**Osakidetza-Euskal osasun zerbitzuko Giza Baliabideen zuzendaria**  
JOSUNE RETEGI ORMAZABAL